



O'ZBEKISTON OVOZI

Shu aziz VATAN — barchamizniki!

2015-yil, 9-iyul. Payshanba 79 (31.982)

Ijtimoiy-siyosiy gazeta

1918-yil 21-iyundan chiqqan boshlagan

www.uzbekistonovozi.uz

ЎЗХДП САМАРҚАНД ВИЛОЯТ КЕНГАШИ: ТАЖРИБА, ТАҲЛИЛ, МУЛОҲАЗА

СИЁСИЙ ПАРТИЯ ҚАТЪИЯТЛИ ВА ТАШАББУСКОР БЎЛСА, жамиятда унинг мавқеи ошади, мустақамланади

Мамлакатимизда давлат ҳокимияти ва бошқарувини демократлаштириш йўлидаги ислохотларнинг қай даражада самара бериши кўп жиҳатдан сиёсий партияларнинг фаоллиги ва ташаббускорлигига чамбарчас боғлиқдир. Сиёсий партиялар мамлакат ҳаёти, тараққиёти билан алоқадор долзарб масалаларда ўз ғоялари, позициясини қатъий туриб ҳимоя қилмас, мақсад-муддаосини амалга ошириш учун дадил курашмас экан, том маънодаги демократия қарор топиши қийин бўлади. Президентимиз мустақилликнинг илк йилларидан бу масалага алоҳида эътибор қаратиб келаётгани, сиёсий партияларнинг ҳуқуқ ва ваколатларини мустақамлаш бўйича муҳим тақдирларни илгари сураётгани бежиз эмас.



Сўнгги йилларда парламентда қонунлар ва бошқа қарорлар қабул қилинишида, шунингдек, маҳаллий ҳокимият органлари фаолияти устидан депутатлик ва жамоатчилик назоратини ўрнатиш борасида сиёсий партиялар, улардан сайлан-

ган депутатлик бирлашмаларининг ҳуқуқ ва ваколатлари кенгайтирилди. Улардан қай даражада фойдаланиш сиёсий партияларнинг жойлардаги маҳаллий ташкилотлари фаолияти самарадорлигига боғлиқ, албатта.

Хўш, ЎЗХДПнинг нуфузи ва таъсир кучини оширишда партиянинг Самарқанд вилоят ташкилоти, маҳаллий Кенгашлардаги партия гуруҳлари, «Фаол аёллар» ва «Истиқбол» ёшлар қанотларининг ўрни қандай бўлмоқда? Эришилган нати-

жалар, келгусидаги режалар қандай?

Газетамизнинг ушбу сонидида мазкур саволларга Самарқанд вилоят партия кенгаши етакчилари, депутатлари жавоб бермоқда.

► Давоми 2-бетда.

БИР САВОЛГА ИККИ ЖАВОБ

Энг муҳим ҳуқуқ ва ваколатлар

Мамлакатимизда сиёсий партияларнинг кенг қўламда фаолият юритишини таъминлайдиган мустақам қонунчилик базаси яратилди. Жумладан, «Ўзбекистон Республикаси жамоат бирлашмалари тўғрисида»ги, «Сиёсий партиялар тўғрисида»ги, «Нодавлат нотижорат ташкилотлар тўғрисида»ги ва яна бошқа қонунлар, меъёрий ҳужжатлар партиянинг ижтимоий-сиёсий ҳаётдаги мавқеи, ҳуқуқлари ҳамда ваколатларини кенгайтирди.

Бугунги кунда сиёсий партияларнинг энг муҳим ҳуқуқ ва ваколатлари нималардан иборат, деб ўйлайсиз?



Аваз САИДОВ,
ЎЗХДП Марказий
Кенашининг бўлим мудири
ўринбосари:

— Дастлаб сиёсий партия тушунчаси ҳақида тўхталиб ўтсак. Қонунчилигимизга мувофиқ, сиёсий партия фуқароларнинг қарашлар, манфаатлар ва мақсадлар муштараклиги асосида тузилади. У давлат ҳокимияти органларини шакллантиришда жамият муайян қисмининг сиёсий иродасини рўёбга чиқаришга интилувчи ҳамда ўз вакиллари орқали давлат ва жамоат ишларини идора этишда қатнашувчи кўнгилли бирлашмадир.

«Сиёсий партиялар тўғрисида»ги қонуннинг 12-моддасида партияларнинг ҳуқуқлари белгиланган. Унга кўра, сиёсий партия ўз фаолияти тўғрисидаги ахборотни эркин тарқатиши, ғоялари, мақсадлари ва қарорларини тарғиб қилиши мумкин. Шунингдек, сиёсий партиянинг сайлаб қўйиладиган давлат органларидаги ўз вакиллари орқали тегишли қарорларни тайёрлашда иштирок этиши кафолатланган.

Сиёсий партиялар қонунда белгиланган тартибда Ўзбекистон Республикаси Президенти, давлат ҳокимияти вакиллик органларига сайловларда қатнашиш ҳуқуқига эга.

Қонунда белгиланган ҳуқуқ ҳамда ваколатларимиз ҳақида жамоатчиликка янада кенгрок тушунча беришимиз, бу борада тарғибот ишларини олиб боришдан тўхтамаслигимиз керак. Одамлар орасига қанчалик чуқур кириб борсак, уларнинг ҳуқуқий ва сиёсий билимларини оширишга эришамиз, фаолиятимиз янада жонланади.



Қаҳрамон МИРЗАЕВ,
Олий Мажлис
Қонунчилик палатаси
депутати,
ЎЗХДП фракцияси
аъзоси:

— Сиёсий партия ўз фаолиятини Конституция-миз ҳамда бошқа қонун ҳужжатларига мувофиқ, шунингдек, ўз уставлари асосида амалга оширади. Сиёсий партиялар тўғрисидаги қонунда бу ҳақдаги меъёрилар белгиланган бўлиши билан қандайдир этилишча, сиёсий партия ўз фаолияти билан боғлиқ йиғилишлар, конференциялар ва бошқа тадбирларни ўтказиш, қонун ҳужжатларида назарда тутилган тартибда оммавий ахборот воситалари таъсис этиш ёки бошқа оммавий ахборот воситаларидан фойдаланиш ҳуқуқларига эга.

Бундан ташқари, партиялар республикамизда фаолият юритаётган бошқа сиёсий партиялар билан иттифок ёки блок тузиш, улар ва бошқа жамоат бирлашмалари билан шартнома муносабатлари ўрнатиши мумкин.

«Сиёсий партиялар тўғрисида»ги Қонуннинг 14-моддасига мувофиқ халқ депутатлари вилоятлар ва Тошкент шаҳар Кенгашларидаги партия гуруҳлари вилоят ҳамда Тошкент шаҳар ҳокими лавозимига тасдиқланган шахсларнинг қонирасиз фаолияти тўғрисида Ўзбекистон Республикаси Президентига асосланган хулосалар тақдим этиш ҳуқуқига эгадир.

Зилола УБАЙДУЛЛАЕВА
ёзиб олди.

Жамиятдаги барқарорликни қўллаб-қувватлаш, ижтимоий масалаларни ўз вақтида самарали ҳал қилиш учун маҳаллий кенгашлар ва бошланғич партия ташкилотлари томонидан жойларда ижтимоий-иқтисодий вазият ва партия электорати кайфиятининг тизимли мониторингини ташкил этиш лозим.

ЎЗХДП Сайловолди дастуридан.

ИСТЕЪДОДЛИ ЁШЛАР — МАМЛАКАТ ҒУРУРИ

«Ниҳол — 2015»: якуний босқич бошланди



Ўзбекистон давлат консерваториясида Маданият ва спорт ишлари вазирлиги томонидан 2000 йилдан буён анъанавий тарзда ҳар икки йилда ўтказиб келинаётган «Ниҳол» мукофоти учун танловнинг мамлакат босқичи бошланди.

«Ниҳол» мукофоти танлови 17 ёшдан 25 ёшгача бўлган иқтидорли ёшларни қўллаб-қувватлаш ва рағбатлантиришда муҳим аҳамият касб этмоқда. Танловнинг якуний босқичида Қорақалпоғистон Республикаси, вилоятлар ва Тошкент шаҳри босқичларида голибликни қўлга киритган 172 нафар ёш санъаткор қатнашмоқда.

► Давоми 4-бетда.

ЎЗБЕКИСТОН ПРЕЗИДЕНТИНИНГ ШҲТ САММИТИДА ИШТИРОКИ ТЎҒРИСИДА

Ўзбекистон Республикаси Президенти Ислам Каримов 2015 йил 9-10 июль кунлари Шанхай ҳамкорлик ташкилотига аъзо мамлакатлар Давлат раҳбарлари кенгашининг Уфа (Россия) шаҳрида бўладиган навбатдаги мажлисида иштирок этади.

Эътироф

Ўзбекистон биз учун муҳим стратегик шерик ҳисобланади. Ўтган йиллар давомида икки томонлама муносабатларимиз барқарор ривожланмоқда. Мамлакатларимиз кўпгина йўналишларда ҳамкорлик қилмоқда, халқаро майдонда бири-бирини қўллаб-қувватламоқда. Мунтазам равишда ўтказилаётган ташрифлар ўзаро манфаатли алоқаларни янада чуқурлаштиришга кўмаклашмоқда.

Шунингдек, биз Ўзбекистонда иқтисодиёт ўсишининг юқори суръатлари сақланиб қолаётганини ҳамда хорижлик сармоядорлар фаолияти учун қулай шароитлар яратилганини юксак баҳолаймиз. Чуқур ҳамда пухта ўйланган ислохотлар туфайли республика замонавий, тараққиёт ва демократия йўлидан ишонч билан бораётган, ривожланиш сари интилувчан давлатга айланди.

Ясутоши Нишимура,
Япония иқтисодий тикланиш
вазирлигининг катта ўринбосари.

ИСТИҚЛОЛ
ИМКОНИЯТЛАРИ

Чироқчининг дони мўл, нони ширин

Бу янгиликлар, воқеалар бугуннинг ҳақиқати. Яқин ўтмишда эса бундай бўлишини тасаввур ҳам қилиб бўлмасди...

3

www.uzbekistonovozi.uz

«Ўзбекистон овози» газетаси сайтида ва навбатдаги сонларида:



Парламент эшитувига
тайёргарлик кўрилямоқда



Ёшларнинг ёт ғояларга
қарши курашда фаоллигини
ошириш муҳим масала

